

STATUSI
DHE
AKTI I THEMELIMIT
TË SHOQËRISË ME PËRGJEGJËSI TË KUFIZUAR
"Nouvique Tech" SHPK

Shtetasi Alessio Kuçi, i lindur më 09.12.1997, në Çorovodë Skrapar identifikuar me anë të Kartes së identitetit J71209045W madhor me zotësi të plotë për të vepruar, nën cilësinë e ortakut themelues.

Krijoj sot me datën 12.06.2024 Shoqërinë me përgjegjësi të kufizuar "Nouvique Tech" SHPK me seli në: Rrugën Emil Lëgrand Nd.5; H.1; AP.9 Njësia Administrative Nr.7 Tiranë. Statuti është akti bazë ku do të mbështetet themelimi i shoqërisë tregtare "Nouvique Tech" SHPK, si dhe zhvillimi i mëtejshëm i saj.

NENI 1

DISPOZITA TË PËRGJITHSHME

1.1 Ortaku i kësaj shoqërie Z. Alessio Kuçi është zotëruesi 100 % i kapitalit të shoqërisë. Në përqindje e aksioneve si më poshtë:

1. Alessio Kuçi do të zotërojë 100% të aksioneve.

NENI 2

EMËRTIMI I SHOQËRISË

2.1 Shoqëria mban emrin "Nouvique Tech" SHPK dhe është person Juridik Shqiptar.

2.2 Kjo shoqëri e fiton personalitetin e saj juridik me regjistrimin e saj në Qendrën Kombëtare të Biznesit.

2.3 Shoqëria zhvillon aktivitetin e saj në përputhje me legjislacionin shqiptar dhe me dispozitat e parashikuara në aktin e themelimit dhe statutit, si dhe në kontratat respektive.

NENI 3

SELIA E SHOQËRISË

3.1 Shoqëria "Nouvique Tech" SHPK, me seli në: Rrugën Emil Lëgrand Nd.5; H.1; AP.9 Njësia Administrative Nr.7 Tiranë.



NENI 4

OBJEKTI I VEPRIMTARISË SË SHOQËRISË

4.1 Objekti i Veprimtarisë së Shoqërisë është :

Tregti mallrash dhe artikujsh me shumicë dhe pakicë, Dixhital Marketing, Marketing, Programime, Zhvillime Projektsh, Konsulencë Zhvillimesh Projektsh, Konsulencë Marketingu, Konsulencë Financiare, Buxhetim Projektsh, Turizëm etj.

4.2 Aktivitetet e sipërpërmendura do të realizohen duke respektuar legjislacionin shqiptar në fuqi dhe konformë me programin e aktivitetit ekonomik dhe financiar, të miratuar nga ortaku i saj.

4.3 Shoqëria mund të zgjerojë, ndryshojë ose kufizojë fushën e veprimtarisë së saj në çdo kohë, kjo e bazuar në vendimin e asamblesë së ortakëve të shoqërisë "Nouviq Tech" SHPK.

NENI 5

PËRGJEGJËSIA E ORTAKUT TË VETËM

5.1 Pjesëmarrja në shoqëri nuk pengon pavarësinë ligjore, organizative dhe të pronësisë së ortakut të shoqërisë "Nouviq Tech" SHPK.

5.2 Ortakët e shoqërisë, nuk janë përgjegjës për detyrimet që lindin gjatë aktivitetit tregtar të shoqërisë, përtej kapitalit themeltar të saj, që vetë kanë nënshkruar, gjithashtu shoqëria nuk përgjigjet për detyrimet personale të ortakëve të shoqërisë .

NENI 6

KOHËZGJATJA

6.1 Shoqëria do të ushtrojë aktivitetin ekonomik të saj, për një periudhë kohe të pakufizuar nga data e regjistrimit të saj.

NENI 7

SIMBOLET E SHOQËRISË

7.1 Shoqëria do të ketë vulën e saj "Nouviq Tech" SHPK

KREU II

NENI 8

KAPITALI I SHOQËRISË

8. Kapitali i shoqërisë "Nouviq Tech" SHPK është 100,000 lekë i cili perbehet



nga:

8.1 Kapitali para me vlerë të barabartë me 100,000 (një qindmijë) lekë.

8.2 Shoqëria "Nouviq Tech" SHPK përbëhen nga 1 (një) kuotë, me vlerë nominale 1 (një) kuotë është barabartë me 100,000 (një qindmijë) lekë.

8.3 Ortaku zotërues 100% i aksioneve është Alessio Kuçi që përgjigjet për humbjet e shoqërisë përkundrejt të tretëve deri në vlerën e kontributit të tij në kapitalin themeltar të shoqërisë.

NENI 9

TRANSFERIMI I KAPITALIT DHE I KUOTAVE

9.1 Kapitali themeltar ose pjesë të vecanta të tij, janë të transferueshme nga ortaku tek të tretët. Transferimi i kapitalit apo pjesëve të tij nga Ortaku në favor të tretëve, kryhet gjithnjë me akt noterial të posaçëm.

9.2 Shoqëria mund të rrisi kapitalin themeltar ose mund ta zvogëlojë atë, por gjithnjë jo nën kufirin e 100,000 (një qindmijë) lekë. Zmadhimi dhe zvogëlimi i kapitalit bëhet me vendim të ortakëve të shoqërisë dhe sipas parashikimeve të ligjit nr.9901 datë 14.04.2008 "Për tregtarët dhe shoqëritë tregtare".

9.3 Kapitali i shoqërisë mund të zmadhohet nëpërmjet nënshkrimeve të pjesëve të kapitalit themeltar për kontributet në para dhe me anë të kontributeve në natyrë, dhe në shërbime, nëpërmjet emërimit të një eksperti të autorizuar për këto kontribute.

9.4 Kapitali i regjistruar i shoqërisë mund të zvogëlohet me vendim të Ortakut të shoqërisë në të njëjtat kushte që kërkohen për ndryshimin e statutit.

9.5 Vendimi për zvogëlimin e kapitalit i njoftohet Qendrës Kombëtare të Biznesit për regjistrim nga administratori, në përputhje me nenin 43 të ligjit nr. 9723, datë 3.5.2007 "Për Qendrën Kombëtare të Biznesit".

NENI 10

TRANSFERIMI I KUOTAVE

10.1 Kuotat e kapitalit të shoqërisë dhe të drejtat që rrjedhin prej tyre mund të fitohen apo kalohen nëpërmjet:

- a) kontributit në kapitalin e shoqërisë;
- b) shitblerjes;
- c) trashëgimisë;
- d) dhurimit;
- d) çdo mënyre tjetër të parashikuar me ligj.



- 10.2 Në rastin e kalimit të kuotave me kontratë, kontrata duhet të bëhet me shkrim.
- 10.3 Personi që kalon kuotën dhe ai që e fiton atë, përgjigjen në mënyrë solidare ndaj shoqërisë për detyrimet që rrjedhin nga zotërimi i kuotës, nga çasti i kalimit të kuotave, deri në çastin e regjistrimit të kalimit të tij në Qendrën Kombëtare të Biznesit, sipas nenit 43 të ligjit nr. 9723, datë 3.5.2007 "Për Qendrën Kombëtare të Biznesit". Regjistrimi i kalimit të kuotave ka efekt deklarativ.

NENI 11

ORGANI VENDIMARRËS

11.1 Asambleja e Ortakëve është organi i vetëm vendimmarrës i shoqërisë, që miraton çdo ndryshim të statutit sipas modaliteteve të përcaktuara në ligj. Çdo ndryshim statuti duhet të depozitohet pranë QKB për të pasqyruar ndryshimet në skedën e shoqërisë.

11.2 Ortaket, vendosin për çështje si:

- përcaktimi i politikave tregtare të shoqërisë;
- emërimin dhe shkarkimin e administratorëve;
- emërimin e shkarkimin e likuiduesve dhe të ekspertëve kontabël të autorizuar;
- përcaktimin e shpërblimeve
- mbikëqyrjen e zbatimit të politikave tregtare nga administratorët, përfshirë përgatitjen e pasqyrave financiare vjetore dhe të raporteve të ecurisë së veprimtarisë;
- përfaqësimin e shoqërisë në gjykatë dhe në procedimet e tjera ndaj administratorëve;
- miratimin e rregullave procedurale të mbledhjeve;
- ndryshimin e statutit, e selisë së shoqërisë, hapjen dhe mbylljen e filialeve të saj.
- zmadhimin ose zvogëlimin e kapitalit të shoqërisë;
- riorganizimin dhe prishjen e shoqërisë etj.

11.3 Të gjitha vendimet e marra nga Ortaket e shoqërisë duhet të regjistrohen në regjistrin e vendimeve, të dhënat e të cilit nuk mund të ndryshohen ose të fshihen.

Duhet regjistruar në veçanti, por pa u kufizuar në to, vendimet për:

- Miratimin e pasqyrave financiare vjetore dhe të raporteve të ecurisë së veprimtarisë;
- Shpërndarjen e fitimeve vjetore dhe mbulimin e humbjeve;
- Investime;
- Vendimet për riorganizimin dhe prishjen e shoqërisë.

11.4 Vendimet e paregjistruara në regjistrin e vendimeve janë absolutisht të pavlefshme.

11.5 Shoqëria nuk mund t'i kundërshtojë pavlefshmërinë të tretit, që ka fituar të drejta në mirëbesim, përveç rastit kur shoqëria provon se i treti ka pasur dijeni për pavlefshmërinë, apo në bazë të rrethanave të qarta nuk mund të mos kishte pasur dijeni për të.



NENI 12

ADMINISTRATORI

12.1 Administratori i shoqërisë mund të caktohet edhe një person tjetër, jashtë ortakëve.

12.2 Administrator i shoqërisë u vendos Z. Alessio Kuçi me kartë identiteti J71209045W.

12.3 Administratori i shoqërisë do të ushtrojë kompetencat e administrimit për një afat 5 vjeçar duke nisur nga data e themelimit 12.06.2024 e në vazhdim, me të drejtë ripërtëritje bazuar në nenin 95/1 të ligjit nr.9901 datë 14.04.2008 "Për tregtarët dhe shoqëritë tregtare". Administratori mund të zëvendësohet edhe pa mbaruar mandatin, nëqjep dorëheqjen apo për arsye të ndryshme me vendim të asamblesë së ortakëve për largimin dhe emërimin e administratorit të shoqërisë.

NENI 13

KOMPETENCAT DHE PËRGJEGJËSITË E ADMINISTRATORIT

13.1 Administratori ka të drejtë e detyrohet të:

- a) kryej të gjitha veprimet e administrimit të zakonshëm dhe të jashtëzakonshëm të veprimtarisë tregtare të shoqërisë, duke zbatuar politikat tregtare, të vendosura nga ai vetë.
- b) përfaqësojë shoqërinë tregtare;
- c) kujdeset për mbajtjen e saktë e të rregullt të dokumentave dhe të librave kontabël të shoqërisë;
- c) përgatisë dhe të nënshkruaj bilancin vjetor, raportin e ecurisë së veprimtarisë dhe së bashku me propozimet për shpërndarjen e fitimeve, i paraqesin këto dokumente përpara Ortakëve të shoqërisë në mbledhjen e asamblesë së ortakëve.
- d) krijojë një sistem paralajmërimi në kohën e duhur për rrethanat, që kërcënojnë mbarëvajtjen e veprimtarisë dhe ekzistencën e shoqërisë;
- dh) kryejë regjistrimet dhe të dërgoj të dhënat e detyrueshme të shoqërisë, siç parashikohet në ligjin për Qendrën Kombëtare të Biznesit;

13.2 Administratori ka të drejtë të kryejë të gjitha veprimet e administrimit të zakonshëm e të jashtëzakonshëm. Administratori përfaqëson Shoqërinë përpara të gjithë personave fizike e juridike, publike dhe/ose private vendas apo të huaja, autoriteteve shtetërore Shqiptare apo të huaja, përfshi këtu autoritetet gjyqësore të të gjitha shkallëve.

13.3 Administratori ka të gjitha kompetencat për të vepruar në marrëdhënie me të tretët në emër të shoqërisë, në të gjitha rrethanat me përjashtim të kompetencave që ligji ia jep shprehimisht ortakëve.



13.4 Administratori angazhon shoqërinë në marrëdhëniet me të tretët nëpërmjet akteve që janë në përputhje me objektin e tij.

NENI 14

VITI FINANCIAR

Viti financiar i Shoqërisë fillon më 1 Janar dhe përfundon më 31 Dhjetor. Përfundimisht, viti i parë financiar fillon nga data e regjistrimit të shoqërisë në Qendrën Kombëtare të Biznesit dhe mbyllet më 31 Dhjetor.

NENI 15

BILANCI I SHOQËRISË DHE DIVIDENTET

15.1 Brenda 6 muajsh nga mbyllja e vitit financiar, Mbledhja e Asamblesë së Përgjithshme, e përberë nga Ortaket miratojnë bilancin e paraqitur nga Administratori.

15.2 Mbledhja e Asamblesë së Përgjithshme, e përberë nga Ortakët vendosin rreth shpërndarjes së dividendit, pasi të jenë zbritur humbjet e vitit të mëparshëm financiar nëq ka, siç edhe parashikohet nga ligji.

NENI 16

BARIMI I SHOQËRISË

16.1 Shpërndarja ose prishja e shoqërisë mund të bëhet në çdo kohë:

- a) kur mbaron kohëzgjatja e parashikuar në themelimin e saj;
- b) me vendim të Ortakeve ;
- c) me hapjen e procedurave të falimentimit;
- ç) nëse nuk ka kryer veprimtari tregtare për dy vjet dhe nuk është njoftuar pezullimi i veprimtarisë në përputhje me pikën 3 të nenit 43 të ligjit nr.9723, datë 3.5.2007 "Për Qendrën Kombëtare të Regjistrimit";
- d) Me vendim të gjykatës;

16.2 Në këtë rast, Ortakët marrin vendim me shkrim në të cilin parashikon mënyrën e likuidimit të shoqërisë, duke caktuar një apo disa likuidatorë dhe shënuar në çdo dokument të nxjerre prej tij emrin e likuidatorit dhe emërtesën shtesë "Shoqëri në likuidim e sipër".

16.3 Prishja e shoqërive tregtare ka si pasojë hapjen e procedurave të likuidimit në gjendjen e aftësisë pagues, me përjashtim të rasteve kur është nisur një procedurë falimentimi.

16.4 Nëse Ortakët e shoqërisë nuk marrin një vendim për emërimin e likuiduesve,



brenda 30 ditëve pas prishjes, çdo person i interesuar mund t'i drejtohet gjykatës, për të caktuar një likuidues.

NENI 17

TRANSFORMIMI I SHOQËRISË

17.1 Transformimi i shoqërisë bëhet me vendim të Ortakëve ose kur ekzistojnë faktorë të jashtëm detyrues ligjor, në këto raste vendimi merret pasi i është paraqitur një raport mbi gjëndjen e shoqërisë nga ana e administratorit.

17.2 Çdo transformim i bërë në kundërshtim me këtë nen është i pavlefshëm.

NENI 18

BAZA LIGJORE

18.1 Shoqëria do të zhvillojë aktivitetin e saj në përputhje të plotë me këtë statut dhe dispozitat e legjislacionit shqiptar.

18.2 Për sa nuk parashikohet në këtë statut, do të zbatohen dispozitat e ligjit nr.9901, datë 14.04.2008 "Për tregtarët dhe shoqëritë tregtare", Kodit Civil dhe akteve të tjera ligjore dhe nënligjore të dalë në zbatim të tyre në Republikën e Shqipërisë.

NENI 19

MOSMARRËVESHJET

19.1 Për mosmarrëveshjet që mund të lindin në lidhje me zbatimin apo interpretimin e këtij statuti, si dhe për çdo mosmarrëveshje që mund të lind midis Shoqërisë dhe të tretëve, do të tentohet të zgjidhen me konsensus dhe mirëkuptim.

19.2 Në rast të kundërt, kompetent për zgjidhjen e mosmarrëveshjeve do të jetë Gjykata e Rrethit Gjyqësor, Tiranë.

NENI 20

DISPOZITA PËRFUNDIMTARE

20.1 Ky statut është hartuar me vullnetin e lirë dhe të plotë të Ortakëve të shoqërisë dhe është nënshkruar prej tyre.

20.2 Ky Statut u redaktua në katër kopje, në gjuhën shqipe. Një kopje mbahet në dokumentacionin bazë të shoqërisë.

Ortaket Themelues "Nouvelle Tech" SHPK

Alessio Kuçi

Tiranë, më 12.06.2024

Alessio Kuçi
